



Mas-chalch

Fögl d'infuormaziun official dal cumün da Scuol

Infuormaziuns da la suprastanza cumünala

Surdattas da lavur

Sent: Via da god, Munt
Lavurs d'impressari:
Bezzola Denoth SA, Scuol

Tags da laina e cultivaziuns

God Laret, Guarda:
AlbertinForst, Sent

Sistem da serradüras pellas sarineras
Otto Dorta, Obervaz/Scuol

Punt da fier Lischana

Lavurs da marangun:
ARGE Thomas Hugentobler, Vulpera
Jon Peider Florineth, Ftan
Lavurs da serrürier:
Jachen Bischoff, Scuol

Sarineras Ardez

Sistem per diriger ils process [Prozessleitsystem]: chestonag automation ag, Seengen AG

Ouvras Electricas d'Engiadina



Per ulteriuras infuormaziuns:
Infoline 081 851 42 11
www.ekwstrom.ch/umweltsicherheit/gefahrenwarnung.html

Privel d'aua gronda

Id es privlus da's tratgnair aint il let dal flüm. L'aua po crescer inaspettadamaing da tuottas uras, quai causa la gestiun dals implants idraulics per prodüer forz'electricca.

Parahotellaria

Nouva cumünanza d'interess: Radunanza da fundaziun

La parahotellaria (abitaziuns da vacanzas, chasas per gruppas sco eir campadis) ha la plü gronda sporta da lets per giasts in nossa regiun. La nouva cumünanza d'interess porta avantags per tuots: ils giasts, ils alloggiaders e la regiun. Insemebel as poja realisar novas ideas, pisserar per bunas sportas e cun quai eir per occupaziuns plü otas dals allogis.

Radunanza da fundaziun: Gövgia ils 27 gïin a las 20:00, Bogn Engiadina Scuol, local da cultura.

Ulteriuras infuormaziuns e talun d'annunzcha:
www.parahotellerie-unterengadin.ch

Pendicularas Scuol

Rumir las pistas cun Trash Hero Switzerland

Trash Hero (= eroe d'immundizchas) es ün'organisaziun cun sez in Svizra chi s'ingascha sün tuot il muond. Ella organisascha uschedits Clean Up Days, dimena accziuns da rumir cun voluntaris, e vuol sensibilisar uschè pella problematica dal rument our'illa natüra.

Sonda ils 22 gïin vain organisà ün tal di süllas pistas da Motta Naluns. Reunion: a las 10:00 pro las Pendicularas Scuol, staziun da val. Tuot ils Trash Heroes survegnan ün t-shirt, da baiver e da mangiar sco eir il viadi cul trottnet fin giò la val. La bar MarMotta resta averta in seguit fin las 22:00 per star pachific, giadair bavrondas ed alch bun dal grigl (pitschna contribuziun a las spaisas).

Annunzchar p. pl. per mail (info@bergbahnen-scuol.ch) o per telefon (081 861 14 14). Important: trar aint büschmainta per dadoura e bunas s-charpas. La sgüranza es chosa dals partecipants.

Arrandschamaints

Sent: Esther Hasler, «Spotlights» (cabaret cun clavazin)

Gövgia ils 20 gïin, 20:15
Grotta da cultura, Piertan
Comica subtila, teater brigliant, chant expressiv, virtuosità al clavazin, tuns differenziats, mimica ed acrobatica da plects: «Spotlights» imprometta üna saira da teater plain vita cun characters squadrats e chanzuns chi toccan. Entrada: 20/25 francs. www.grottadacultura.ch

Tarasp-Avrone:

Teater musical «Les Misérables»
20/21 gïin (gövgia/venderdi) a las 19:30
Bergschule Avrona

Il roman cuntschaint da Victor Hugo, ün'istorgia impreschiunanta dal temp da la Revoluziun francesca, vain preschantà sül palc da la scoula d'Avrona. Scolaras e scolars sco eir la magistraglia chantan e giovan.

Scuol-Nairs: Exposiziun da stà

Venderdi ils 21 gïin, 18:00 fin 20:00
Center d'art contemporanea

Per l'avertüra da la stagiun da stà invida la Fundaziun Nairs a la vernissascha da duos exposiziuns.

INN-DIARY: Ün'exposiziun davart las funtanas e l'art a Nairs
Jürg Stäuble: Disegn ed ogets
Las exposiziuns d'üran dals 22 fin als 27 october e sun avertas adüna la gövgia fin la dumengia da las 15:00 fin las 18:00. Program accumpagnant ed ulteriuras infuormaziuns: www.nairs.ch

Guarda: Festa da bügls

Sonda ils 22 gïin, 14:00 fin 22:00
Guarda festagescha ils 7 bügls in cumün cun ün vast program. Ustaria da festa originala («Tavolata») e musica cun differents fuormaziuns. Diversas activitats, demonstraziuns ed infuormaziuns. Program detaglià: www.guardissimo.ch

Guarda: Regula Verdet-Fierz, exposiziun AUA AUA

Vernissascha: sonda ils 22 gïin, 17:00 Chasa 70
Purtrets cul tema aua (minerala). L'exposiziun düra fin als 24 avuost, ella es averta per regla da gövgia fin sonda da las 14:00 fin las 18:00. Per infuormaziuns: 081 862 24 22 obain www.regula.verdet.ch

Sent: Aquarels da Roger Manhart

Vernissascha: sonda ils 22 gïin, 17:00 fin 19:00 | Grotta da cultura
L'Engiadina Bassa inspirescha al pittur Roger Manhart. Daspö blers ons tuorna' adüna darcheu, ed uschè s'han fuormadas bleras impreschiuns da la natüra e la cultura indigena. L'exposiziun düra fin als 30 lügl, ella es averta adüna il mardi e la sonda da las 17:00 fin las 19:00. www.grottadacultura.ch

Scuol: Davomezdi da sot

Gövgia ils 27 gïin, 14:30 fin 16:00
Chasa Puntota, sala polivalenta
Davomezdi da sot per minchün culla Chapella Tamangur. Entrada libra. www.altersheim-scuol.ch

Scuol: Marchà da pülschs

Sonda ils 29 gïin, 11:00 fin 17:00
Gurlaina

Ün bel lö d'inscunter per minchün chi'd ha jent roba da seguonda man!
Infuormaziuns: flohmi.scuol@gmail.com

Sent: Concert cul Trio Anamcara

Dumengia ils 30 gïin, 20:15
Baselgia San Lurench
Flurina Sarott, già, Ionna Seira, cello e Florian Gabeli, clavazin, sunan ouvas da Wolfgang Amadeus Mozart, Sergej Rachmaninoff e Paul Juon. Entrada: 25 francs

Scuol: Exposiziun ambulanta

«Parcs grischuns»
4 lügl fin 10 october, 9:00 - 21:00
Bogn Engiadina
Ils 5 parcs grischuns spordschan natüra, cultura e progets innovativs. Cull'exposiziun ambulanta «Auf zur Schatzsuche – Bündner Pärke entdecken!» as preschaintna insembel: il Parc naziunal Svizzer, il Parc da natüra Biosfera Val Müstair, il Parc Ela, il parc natüral Beverin e l'Arena tectonica Sardona (patrimoni mundial UNESCO).

17avla Traversada da Sent

Sonda ils 6 lügl
Mincha duos ons vain organisada la gita tradizionala chi traversa tuot il territori da Sent da la Chamonna Fenga fin la Chamonna Sesvenna. Quist on esa darcheu uschè inavant. Infuormaziuns detagliadas e formular d'annunzcha: www.sent-online.ch/societats/traversada/index.html

Scuol:

Discuors al chamin cun Roger de Weck
Sonda ils 6 lügl, 20:30

Hotel Guarda Val
Roger de Weck es publicist a Turich e Sent ingio ch'el scriva seis cudeschs. Plü bod è'l stat tanter oter directer general da SRG SSR (Società Svizra da Radio e Television) e schefredactur da las gazetatas «Die Zeit» e «Tages-Anzeiger». Andri Franziscus discuorra cun el davart sia vita, seis progets actuals, si'amur per l'Engiadina e seis lös predilets a Sent. Entrada libra.

Sent: Teater sün via «Solex»

Venderdi ils 12 lügl,
da las 18:13 fin las 18:53 | Plaz
Cun seis Solex riva Jordi quella saira da stà a Sent. Il clown ed actur pantomimic giovarà davant e cul public tanter 0 e 99 ons, quai cun energia, improvisaziun ed ideas müravgliusas. Collecta. Data da riserva in cas da plövgia: sonda ils 13 lügl a las 11:13. www.grottadacultura.ch

Società da musica Scuol:

Concert da piazza
Venderdi ils 12 lügl, 20:00 | Plaz
La Società da musica Scuol suna suot tschèl avert.

Marchà da S-charl

Sonda ils 13 lügl, 10:00 fin 17:00
Marchà da paurs e d'artichans immez il cumünet da S-charl. Turnaders, falegnams, prodots da dschember e bler oter plü. Divertimaint musical: Peder & Benedict sco eir Aurikla. Ils uffants pon ir a sella e's divertir aint il chastè-trampolin. Contact: Chantal Mayor, 081 864 14 12

S-charl: Concert Paulin Nuotclà

Sonda ils 13 lügl, 21:00 | Baselgia
Paulin Nuotclà chanta aint illa baselgina idillica da S-charl. Rock rumantsch in ün'ambient special. Entrada: 20 francs

Guarda: Marchà da paurs e d'artichans

Marcudi ils 17 lügl, 10:00 fin 17:00
Plazetta
Differents stands cun artichanadi regiunal e prodots regiunals. Ustaria da festa cun musica, organisada da la società da duonnas da Guarda. Contact: Infuormaziun turistica Guarda, 081 861 88 27.

Ardez: Concert cul orgel da baselgia

Marcudi ils 17 lügl, 20:30
Baselgia evangelica
L'organist talian Simone Vebber dà quist on il concert d'orgel tradiziunal illa baselgia d'Ardez. El es cuntschaint per sia virtuosità e seis programs multifaris. Entrada libra, collecta.

EMOZIUNS – Cultura aint il Bogn

Engiadina: Cinzia Regensburger
Gövgia ils 18 lügl, 20:00 fin 22:00
Musica in ün'atmosfera speciala!
Il predschi d'entrada pel bogn cumpiglia eir il concert. La giuvna chantatura indigena Cinzia Regensburger s'accumpogna sves al clavazin. www.bognengiadina.ch/de/emoziuns

Società da musica da Sent:

Concert da stà
Venderdi ils 19 lügl, 20:00
Sur En, Restaurant Sper la Punt
La Società da musica spordscha il divertimaint musical, il restaurant accumplicha ils giavüschs culinaries.

Scuol: Festa sül Stradun

Sonda ils 20 lügl, 11:00 - 24:00 | Stradun
Ün inscunter per indigens e giasts cun stands da vendita, ustarias e strategimaint da tuottas sorts per uffants e creschüts.

Scuol: Concert Engadiner Kantorei

Dumengia ils 21 lügl, 16:30
Baselgia refuormada
Ouvras sacralas dal baroc (J. S. Bach) fin al temp dad hoz. Direcziun: Stefan Albrecht e Katharina Jud.

Scuol: Prelecziun cun Antonia Bertschinger

Gövgia ils 25 lügl, 20:00
Museum d'Engiadina Bassa
Il cudesch «Bergünstein» d'Antonia Bertschinger maina inavo in temps passats. La gronda part giova a Bravuogn, üna scena però a Scuol: la battaglia sül sunter in october 1621 ed in seguit la fügena dals attachaders a Zuoz.

Ün chalender d'arrandschamaints as chatta eir illa pagina d'internet dal cumün (www.scuol.net) ed illa pagina da la TESSVM (www.engadin.com).

Ils arrandschamaints in connex cul giubileum «650 ons aua minerala» as chatta suot il seguaint link:
<http://scuol-zernez.engadin.com/de/wellness-gesundheit/650-jahre-jubilaeum-wellnessdestination>

Il Mas-chalch dal cumün da Scuol cumpara üna jada al mais. Ediziuns veglias as poja leger sülla pagina d'internet dal cumün www.scuol.net.

Prosma ediziun: **25 lügl 2019**

Organisaturs d'arrandschamaints pon inoltrar publicaziuns fin il plü tard **lündeschi ils 15 lügl** pro lingua@scuol.net

Reglas

- No publicchain be arrandschamaints chi'd aintran per e-mail.
- L'arrandschamaint sto avoir üna tscherta importanza per la generalità (ingünas radunanzas da societats).
- La redacziun decida sves davart la publicaziun e's resalva eir il dret da scurznrir e/o rediger ils texts inoltrats.

Ils cuosts da la publicaziun surpiglia il cumün da Scuol.